

ЗУЛФИЯ

ОЙДИН
СОБИРОВА



ОЧЕРК

Ўз ССР ДАВЛАТ НАШРИЕТИ
Toшкент — 1953

На узбекском языке
ЗУЛЬФИЯ
АЙДИН САБИРОВА
Очерк

Госиздат УзССР — 1953 — Ташкент

Редактор *М. Раҳмон*

Техредактор *Ф. Раҳматуллин*
Корректор *М. Рустамов*

Теришга берилди 3/VIII 1953. Босишига рухсат этилди 8/VIII 1953. Р 05839. Көнгөз формати $70 \times 108\text{ mm}$ — 0,438 көнгөз листи — 1,198 босма листи. Нашр. л. 0,8. Шартнома № 340/53 Индекс м/а. Тираж 45000. Баҳоси 25 т.

УзССР Маданият министрилиги Ўзглавиздатининг 1-инчи босмахонаси. Тошкент.
Ҳамза кўчаси, № 33. Заказ 320.



1922 йилнинг баҳори... Каникулдан кечиб, бутун ёз ўқишга қарор қилган озод хотин-қизлар педбилимюртиниг қалдирғочлари шу кунларда синовдан ўтмоқдалар.

Маориф комиссарлигидан келган имтиҳон комиссияси кечадан бери ўзбек хотин-қизлари учун биринчи очилган мана шу билим ўчоғи хотин-қизлар педбилимюртида! Шунинг учун кечадан бери ён-атрофдаги кампирлар таҳли-када:

— Нима учун бу ерга эркаклар кирадиган бўлиб қолди? Бир гап бор...

Паранжили икки хотин секин-секин юриб қизлар ўтирган хона деразаси олдига келди. Ўзун стол орқасида ҳалиги эркаклар блан бирқаторда икки аёл — хотин-қизлар педбилимюртиниг жонкуяр муаллималари, меҳрибон мураббиялари — Зоҳида ва Шарифа опалар ўтиришар эди.

Хотинларнинг капалаги учиб кетди.

— Ана қўрдингми? Бугун муаллими эркаклар пинжида

ўтирибди, эрта-индин бу қизлар ҳам битта-биттасини то-
пиб олади,— деди титраб бирин.

— Гапирманг,— деди иккинчиси,— қизлар парда ичи-
да ўтирибди, тек туринг, гапларини эшитайлик...

Очиқ деразадан куз шамоли кириб, имтиҳон олучилар
блан имтиҳон беручилар ўртасига тутилган пардани ҳил-
пиратди. Бироннинг қўнғироқдек товуши эшитилди. Икки
паранжилик хотиннинг бутун вужуди кўз-қулоқ бўлди.

Озод қизларнинг жарангловчи янги гаплари асорат-
нин. тўрт девори кар ва кўр қилган бу хотинлар қулоғига
ёт эди. Ўзи яшаган тўрт девордан ўзга ерни чимматсиз
кўраолмаган, ўзининг йўлини, дун'ёнинг кенглигини ҳов-
ли эшигидан ўчоқ бошигача деб билган бу хотинларга
озод қизларнинг табиат, жамият ҳақидағи баҳслари ақл-
га сифмайдиган даражада ёт эди.

Ташқаридан тоза ҳавони олиб кирган шабада умри-
нинг сўнгги дамларини кечираётган асорат пардасини
йиртиб ташламоқчидай тинимсиз ҳилпиратади.

Зоҳида опа шоғирди Собировани имтиҳонга чақиради.
Қизларнинг энг ёши, қопқора жингалак соchlарини икки-
та қилиб ўриб орқасига ташлаган, туйғун кўзли қиз ўни-
дан секин туриб, тўғрига қараб туради. Ҳаяжонидан
ранги бироз оқариб, лаблари титрар, кўзларида қандай-
дир жур'атсизлик акс этар эди.

— Бу бизнинг шоира қизимиз, ёзма журналимизнинг
муҳаррири,— деди Зоҳида опа комиссия а'золарига.

Ҳовлидаги ҳалиги хотинлар ёпиқ дераза олдига бо-
ришди. Чачвонларини орқаларига ташлаб, қизнинг сўз-
ларига қулоқ солишди, лекин ҳеч нарса тушунишмади.

Бу қизлар ўзларини энди таниб олганлар. Улар асрлар бўйи хотин-қизларнинг оёқ-қўлларини боғлаб турган тутқинлик кишанларини узмай туриб ҳақиқий озодликка чиқиб бўлмаслигини англаганлар. Мана шу хулоса уларга курашларда жасорат бағишлади. Лекин бу йўлда катта тўғон бўлган урф-одатларнинг илдизи ҳали чуқур эди.

Қизларнинг янги, ёрқин сўзларни баралла айтадиганларидан дин ва шариат арбоблари қаттиқ ташвишга тушиб қолди. Улар қора юракларида қайнаган ғазаб заҳарини янгича яшашга интилаётганлар устига сочишга уринади. Озод қизларнинг бошларига туҳмат ва ифво тошини ёғдирадилар.

Ҳаётбахш янги замон блан уйғонган қизлар бу тўсиқларни янчидан ўтишади. Бу тўсиқлар эркинликка интиланган қизларни чекинишга мажбур қилаолмайди. Қизлар эскиликтининг ўлим олдидаги талвасасини сезиб турибдилар, лекин у блан курашмоқ лозим. Бу курашда қизларни совет ҳукумати қўллаб-қўлтиқлайди, коммунистлар партияси уларнинг кураш йўлларини ёритиб раҳбарлик қиласди..

Шоира қиз Манзура ҳамма ўртоқларининг қалб интилишларини куйлаб ше'р ёзади. Ҳали «ичкари»дан чиқишга жур'ат қилолмаган ўртоқларига буюк озодлик туйғусини етказиш учун тўлиб-тошиб куйлайди. Уларга ўзининг кичик дадил қўлларини узатади:

Келинг, ўртоқ бугун бирга байрам қилайлик,
Октябрьнинг қўшиқларин бирга куйлайлик...

...Имтиҳон тугагач, комиссия а’золари эшикдан чиқиши блан, қизлар ўринларидан турадилар, бир-бирларини имтиҳон муввафқақиятлари блан табриклайдилар. Зоҳида опа ўзида йўқ шод. У қизларнинг ҳаммасини бир даста гулдек қучоғига олди. Қизлар қадрдан муаллималарини, муаллималар эса ўзларининг дастлабки шогирдларини — эртанги муаллима қизларини табриклади.

Зоҳида опа Манзуранинг жингалак соchlарини сийладиди:

Эртага бу ерда сизларнинг битириш маросимингиз бўлади. Битиручилар номидан сен сўзлайсан.

Манзуранинг ингичка қошлари чимирилди. Унинг кўзларида чуқур хаёл бор эди.

Эртасига оналар, атрофдаги хотин-қизлар тўп-тўп бўлиб келабердилар. Кечагина бир бойнинг майшати учун хизмат қилган мана шу катта боғда букун билимдоң қизлар паранжисиз, ҳамманинг кўзи олдида гул-гул ёниб юрадилар.

Бу — Совет Шарқи тарихида озод қизларнинг биринчи ма’рифат тантанаси эди. Бу тантанага қанча-қанча кураш орқали, қурбонлар бериб етишилди.

Бу курашларда енгиб чиқиш учун жасорат, изчиллик ва сабот керак эди. Ёш совет шарқининг мана шу биринчи қалдирғочларига бу жасорат, бу саботни совет ҳукумати, коммунистлар партияси берди.

Манзура Собир қизининг нутқида мана шу сўзлар алоҳида янграб эшитилди: Озодлик. Тенглик. Илм. Меҳнат...



1925 йил Манзуранинг амакиси Хадрадаги сартарошхонада соч олдираётганида газетадан кесиб олиб деворга ёпиширилган суратларга кўзи тушдию, қути учиб кетди. «Газетамизнинг ёш, умидли шоираларидан Манзура Собир қизи» деган сўзларни ўқиб, яна тутоқиб кетди. «Янги йўл» деган хотин-қизлар газетаси чиқабошлаганига бир йил тўлиши муносабати блан ҳаваскор мухбир ва ёзучиларнинг суратларини босиб чиқарган эди.

Амакиси уйга келиб ёу ҳақда отасига айтганда, Манзуранинг кўзига дун’ё бир нафасда остин-устин бўлиб кетгандек кўринди. Гўё ўзи блан ташқаридаги янги ҳаёт ўртасига қалин девор қўйилаётгандай, у бузиб чиққан қафас,— «ичкари»нинг эшигига яна асорат қулфи урилаётгандай туюлди.

У қаттиқ ташвишга тушиб қолди.

Ҳамавақт вазмин, кам гап, фарзандларига ҳечқачон қўл кўтармаган Собир aka бу гапга дарров ишонмади. Укасидан далил талаб қилди. Собир аканинг запти қаттиқлигини билган ука далил келтиришдан қўрқди: бу жуда ёмон натижага олиб бориши турган гап эди.

Собир aka Манзурани чақирди:

— Ҳамма нағмани йиғиширасан, ишни ҳам, бошқани ҳам, бас қиласан.

Манзура ҳеч нарса демади. Тўкилишга тайёр турган кўз ёшларини отасидан яшириб, меҳрибон бувиси олдига кирдию. бутун ўпкасини, алам-дардини кампир этагига тўкди. Йиғлади...

У туни блан ўйлади: «Энди нима бўлади? Ше'р ёзмай, газетага қатнашмай бўладими? Талабаларим-чи? Уларни ким ўқитади? Робиахоним ҳам, Тожихон ҳам банд, ўзларининг дарслари бор. Ҳозир қанча янги мактаб очилди, қанча муаллим бўлса ҳам камлик қиласди. Нима қиласман?»

Манзура ёстиқдан бошини узмай, ёш тўла кўзлари блан ойга термулди. Ана, ой булутдан чиқди, нурли, мағрур оқмоқда... Майда булутлар яна унинг юзини ёпмоқчи бўлди, ёполмади. Ой яна ҳам ярқираб кетди. Манзуранинг дили ёришиб, хаёли ой кетидан оқди. Кўксини янги туйғулар тўлқинлатди, завққа тўлиб ойни кузатди. «Нурдан кучли нарса йўқ, ёруғлик зулматни парчалайди», деб ўйлади. У шу манзара ва туйғуларни қофоз бетига туширди. Эртаси ўқучиларга нур тўғрисидаги ше'рини ўқиб берди.

Дарсни тамомлаб тўғри хотин-қизлар клубига борди. У ерда ўртоқлари блан маслаҳатлашмоқчи, агар бир йўл топаолмаса, Ўрта Осиё партия бюросининг хотин-қизлар бўлимига бормоқчи бўлди.

Энди орқага қайтиш йўқ, сир марта кўзи нур кўрган киши қайта зулматга кирмайди. Ёрқин тилак ва саботли интилиш курашда ўзи йўл кўрсатади. Оқила қизлар, Манзуранинг ўртоқлари довдираб қолишмади. Узларининг кичик дўстлари, севимли шоираларини ҳимояга олишди. Манзура ўртоқларига янги ше'рини ўқиб берди. Қизлар уни олқишилаб, Ойдин деб тахаллус қўйишни маслаҳат беришди.

Икки кундан қейин Манзуранинг ўртоқлари — озод

сўзлар вакилани олға етаклади, у, хотин-қизлар ҳақидаги совет қонунларининг ижро қилинишини талаб этди; карточкада яна бундай сўзлар бор эди: «Ҳечбир киши хотин-қизларни қалин мол бараварига сотолмайди, ёш қизни эрга беролмайди, ёки қиз ўзи хоҳламаган кишига зўрлаб берилмайди. Хотин-қизлар эркаклар блан бир қаторда ҳарбир ўринни эгаллайолади». Совет тузуми қизил дафтарчага ёзиб, ўзбек қизи қўлига бериб қўйган бу қонунлар Ойдиннинг бутун фаолиятига асос эди.

«Янгиликка қадам» пьесасида вакила мана шу қонунларни ичкаридагиларга тушунтиручи, ёш совет давлатининг жонбози, эркин ма’рифатпарвар қизларнинг образлари чизилган эди.

«Тўрт девор ичида за’фарон бўлиб ўтириш, ёки бой қўлида чўри бўлиб ишлашни бас қилинг! — дейди пьесанинг қаҳрамони,— ёш умрингизни хазон қилманг, белингизни маҳкам боғлаб бойлар учун эмас, ўзингиз ва ўзингизга ўхшаш эзилган, қоронфида қолган мазлумалар учун ишлашинг, қўлингизни беринг!»

Вакила «ичкари»даги, кўзини зулмат қоплаган дўсти Мастурани озодликка чақиради. Унинг руҳонийлар та-сиридаги золим Тошпўлат қўлидан қутилиб, тутқинликни бузиб, эркинликка чиқишига ёрдам қиласди.

Ойдин бу пьесада ўзи амалга ошираётган ғояларни олдинга сурган, ўзи ва ўзига ўхшаган юзларча вакиларнинг ёш совет ҳокимиятини мустаҳкамлаш учун жонбозлик қилаётганини тасвирлайди. Ойдин Узбекистон Коммунистлар партияси Марказий Комитети топширган бурчни ўтаётганидан чексиз хурсанд, бу бурчнинг моҳи-

ятини шараф блан, ёш юракнинг ўти блан ўз асарида баён этаолганидан шод, шу ғояларни ўз талабларига сингдираётганидан мамнун эди. «Янгиликка қадам» ўша өақтлардаёқ икки марта нашр қилинди.

Ўрта Осиё бюроси хотин-қизлар бўлимининг мудири хотин-қизлар клубида адабиёт ҳаваскорларини йиғиб, мажлис ўтказди. Бу Ойдиннинг ёдидан сра чиқмайди. Марказком «Янги йўл» газетаси ўрнига хотин-қизлар журнали чиқаришга қарор қилган эди. Бўлим мудири Ойдинни ўқишни давом этдирган ҳолда шу редакцияда ишлашга таклиф қилди.

Ойдин Ўрта Осиё рабфагида ўқир эди. Ойдин таклифи жон-дили блан қабул қилди.

Ҳар кун унга бир янгилик олиб келади, журналда ишлаш ҳам ниҳоятда мароқли, ўқиш унинг кўзига дун’ёни борган сари кенгроқ очади. Жамоат иши, вакиллик вазифаси — ҳаммаси ҳам шарафли, севикли ишлар!..

Матбуот ҳам, ўқитучилар ҳам, вакилалар ҳам совет давлати ва партиянинг эскиликка қарши олиб бораётган ҳужумида биринчи сафда эди.

Курашнинг мевалари кундан-кунга мўл ва гўзал. Кетма-кет очилаётган хотин-қизлар артельлари турлитуман ҳунарнинг чеварларини ўзининг жўшқин қучогига тортади. Актив, ишчан, фидокор хотин-қизлар шошилинч қадамлар блан ишга борадилар...

Ҳужумнинг бу жўшқин оқини борган сари мағлубиятга учраётган душманни яна ҳам қутуртиради. Душман пайтини топиб ҳужум гулларини қирқишига уринади.

«Ордона қолсин, қайтиб бошимга олмайман» деб паранжини ташлаган, қуёшга тик боқиб ишдан уйига кетган аёлнинг эртасига сўйилгани ёки қудуқча ташлангани эшитилиб қолади. Утнинг кичигини бўрон дарров учирив кетади, дейдилар. Агар ўт катта бўлсачи, бўрон унга авж беради, у ловиллаб ёнади дейдилар. Бу қурбонлар ҳужум армиясининг юрагидаги муқаддас ғазаб ўтини ловулатиб юборади. Ноҳақ ўлдирилган бир аёл жасади устида яна ўнларча хотин-қизлар паранжини ўтга ташлаб, унинг ишини давом этдиришга онт ичади...

Ойдин — мана шу ҳужум армиясининг бир оддий солдати. У мана шу мустаҳкам сафларда ўзининг курашchan сафдошларига, ҳали очиломмаган дўстларига оташин ше'рлар блан тез-тез мурожаат қиласди:

Қара, гулим, йўлинг оқ,
Кўзинг оч, атрофга боқ!
Ҳужум сўзин дилга тақ,
Паранжини ўтга ёқ!

Москва! Бизнинг эркимиз, иродамиз, қудратли таянчимиз Москва, кўз нуримиз Москва!

Биз ўз озодлигимиз ҳақида ўйласак, ҳамавақт икки ёрқин сиймо — буюк Ленин блан Сталин кўз ўнгимизга келади. Улар тутган озодлик маш'али Москвадан нур сочади. Бизга бу озодликни Улуғ Октябрь революцияси берди, мамлакатимиздаги халқлар блан бир қаторда ўзбек хотин-қизларини ҳам азоб-уқубатдан қутқарди. Бу ғалабанинг ташкилотчиси ҳам, раҳбари ҳам,— Улуғ Ленин блан Сталин, Қизил Москва эса бу революциянинг бешиги.

Социалистик революция зулм ва тенгсизлик илдизларини таг-туги блан кесиб ташлади. Қўл-оёғимиз асорат ва шариат кишанидан озод бўлгач, биз ҳам ўзимизда зўр ирода борлигини сездик. Москва! Сен тутган маш’ал нуридан дилимиз мунааввар бўлди, иродамиз мустаҳкамланди. Мана шунинг учун ҳам биз сени кўз нуримиз деймиз.

Ойдин ҳали Москвани кўрмаган эди. Лекин Москвани у ёш оташин қалби блан сезарди, бутун вужуди блан унга интиларди. У ҳақда ўзининг самимий сатрларини ёзарди. Узоқ қыш кечалари, илҳомбахш баҳор оқшомлари дарча олдида ўтириб хаёл сураркан, кўзини ёритган нур унинг хаёлини тўғри Москва блан уларди.— Шунда у ўз ше'рида Москвани қуёш деб атарди...

Март ойининг охирлари. Маориф ходимлари касаба союзининг Бутуниттифоқ с’ездига вакилларидан бир гуруҳи Москва Қизил Майдонида тизилган сафда, улуғвор сукутда, доҳий мовзолейига қараб силжийди. Булар қаторида Ойдин ҳам бор. Унинг ўткир кўзлари шонли Кремльга қараб тўймайди. Қор учига ўйнаб келиб, унинг иссиқ юзларига тушиб эриб кетади, юраги гуп-гуп уради. Мовзолейга яқинлашган сари ҳаяжони ортади. У гўё ҳозир доҳий Ленинни тирик қўради-ю, ўзбек хотин-қизларидан миннатдорлик саломини топширади. Ҳамма дўстлари но-мидан, бутун қалбидан ташаккур айтади. Ана, у, айтажак гапларини ёд олишга урингандай секин силжийди, унинг ҳаяжонини сезган рус аёли Ойдинни қўлтиқлаб олади.

Мармар зиналардан юриб тушаётган сафда озод ўзбек қизи Ойдин ҳам пролетар революциясининг доҳийси

Ленин сиймосига, инсон баҳтиниң ижодчисига аста та'зим қиласи...

...Ойдин куни бўйи вакилалар блан Москвани тамоша қиласи. Бу ерга вакила бўлиб келган тожик, туркман, қозоқ қизлари блан танишди, дўстлашиб қолди. Буларниң ҳаммаси ҳам эркин, Ойдинга ўхшаган баҳтиёр эди.

Бу шаҳар нақадар буюк, нақадар гўзал! Москваниң жўшқин ҳаётига, кўкка бош чўзган баланд, салобатли биноларига қараб сенинг ҳам кўнглинг ўсади!

«Дадажон!

Мен Москвадаман. Сизга билдиrmай кетганим учун узр сўрайман. Юбормай қўйишингиздан қўрқиб, беодоблик бўлса ҳам, шундай қилдим. Мени вакила қилиб сайладилар. Мен бу ерга учгандек келдим. Вакил қилиб сайлаганларидан кейин келмаслик мумкин эмас. Қелганимдан жуда-жуда хурсандман.

Дадажон! Бу ердаги хотин-қизларниң ҳаммаси эркин. Мен ҳам паранжини ташлаб келдим. Эркин юриш нақадар яхши! Сиз паранжи ёпиниб юриш қанча ёмон эканлигини билмайсиз, чунки сиз уни ёпинмагансиз. Биз хотин-қизларниң гуноҳимиз нима?..»

Бу сатрларни Ойдин зўр ҳаяжон ва кўз ёшлари блан ёзи. У бу сўзларниң ҳали тушунмаган ота қалбига қандай оғир ботишини билади. Бордию келма, қорангни кўрсатма, деб ёзиб юборса нима бўлади? Нима бўлса ҳам бўлди,— деб ўйлади у,— энди орқага қайтиш йўқ...

Кўзи тўла ёш, дили тўла умид блан хатни конвертга солдию, ширин уйқуда ётган ҳамхона ўртоғи — рус қизи-

га қаради. Ўйғоқ бўлса шуларнинг ҳаммасини айтардим, юрагимни бўшатардим, деб ўйлади. Лекин қизни ширин уйқудан уйғотишга кўзи қиймади. Қўлига яна оқ қофоз олди:

Энди кет, келма паранжи,
Мангу кўрмайман сени.
Кул қилиб йўқ айлагайман
Сен заҳарли пардани...

Ойдинни Тошкентда озод ўртоқлари кутиб олишди. Ойдин уларни кўриб жуда хурсанд бўлиб кетди. Қувона-қувона, гул-гул очилиб, соғинч тўла дилида қўрқувсиз ҳаяжон блан, таниш кўчалардан ўтиб бораркан, Москва таассуротларини чанқоқлик блан тинглаётган ўртоқлари-га сўзлаб келди.

Мана, Ойдин мачит олдида бир тўда кишилар блан ўтирган отасини кўрди. Соғинч ва муҳаббат тўла юраги гупиллаб уриб кетди, севимли ота блан кўришишга шо-шилди, қадамини тезлатди. Лекин, мачит имомлари блан юзини терс ўгириб кетганлар ичидаги отасини ҳам кўриб, бошидан қайноқ сув қўйилгандек бўлдию, бутун қувончи ичига тушди.

Вой ўлмасам, дадам...

Ўртоқларидан бири:

— Хафа бўлманг, Ойдин, бизни ҳам шунаقا қарши оладилар, биздан ҳам юз ўгирадилар, парво қилмаймиз. Бориб-бориб ўрганиб кетадилар,— деди.

— Парво қилмай бўладими? Эртага яна паранжини ёспинасан деб туриб олса, нима бўлади?

— Йўқ, сра ёпинмаймиз, орқага қайтиш йўқ!

Ойдин дўстларининг далдаси блан тез-тез қадам ташлаб, бошини мағрур кўтариб, мачит олдидан ўтди.

Ховли ўртасида севикли бувиси қулочини кенг ёзиб қарши олди.

* * *

Самарқандда Ойдин жўшқин ҳаёт қучорига отилди. Та'лим-тарбия институтида хотин-қизлар педбилимюртини бирга битирган ўртоқлари блан учрашди. У ижтимоий иқтисод факультетида меҳр ва муҳаббат блан ўқишга берилди.

Ойдин жуда баҳтиёр, у совет ҳокимиятининг ўзбек хотин-қизларига қилган ғамхўрлигини бор вужуди блан ҳис этиб яйраб-қувнаб ўқииди. Бу ердаги ҳаёт парда орқасида туриб имтиҳон топширган кунлардагига сра ўҳшамас эди. Икки қаватли муҳташам бинонинг кенг ёруғ дарсхоналарида дарс тинглаётган хотин-қизлар ўз муаллиmlаридан юзларини яширмайдилар.

Уч-тўрт йил ичида шу қадар олға кетиш, шунча ютуқ! Ҳали шундай кунлар келадики... Тезроқ, тезроқ келсин ўша кунлар!..

Дарсхоналар тўлиб турли миллат йигит-қизлари дарс тинглайди. Ҳамма бир ота-онанинг болаларида иноқ. Ўқиши, ижод этиш, баҳтиёр яшаш учун барча шароит муҳайё. Бу имкониятларнинг манбани қаердалигини Ойдин яхши билади. Имкониятларнинг ҳаммаси Коммунистлар партияси раҳбарлигида бўлаётганини яхши

билиди. Ойдин мана шу ҳислар кўкрагига сифмай кетганда, ше'рлар ёзади.

Миноралар устига тун салқини чўкканда, илҳоми тошиб ше'р ёзади.

Айланаман шўродан,
Ишчи-дехон отаси,
Тутқунликдан қутқарғав
Коммунистлар фирмаси.

Қизлар ўқиб ўйнайди
Паранжилар куйганда;
Бой-муллалар йиғлайди
Ишчи-дехон кулганда..

Ше'р эрталаб ўша пайтда академияда ўқиётган Ҳамид Олимжон ва Уйғунлар муҳокамасига ташланади. Самимий, ижодий дўстлик мунозаралари қизиб кетади. Ўз ше'рларини муҳокама қиласидилар, ўқилаётган китоблар устида суҳбатлар ўтказадилар. М. Горький романлари, Лермонтов ше'рлари, Пушкиннинг поэмалари ҳақида суҳбатлашадилар. Улуғ рус адабиёти классиклари ижодидан ўрнак оладилар, ҳарбир ўқилган асар Ойдиннинг кўз олдида янги бир дун'ё очгандай бўлади. У узоқ ўтириб кечалари шу асарларни мутолаа қиласиди. Бу — унинг ёш қаламига дадиллик ва ишонч бағишлайди. Қунт блан ўқиши-ўрганишга ундайди. Хотин-қизлар озодлигини куйлаган, унинг душманларига қарши ҳужум руҳи блан суғорилган, замон блан ҳамоҳанг тетик овози борган сари кучли янграйди.

У, парэнжисини ўтга отган Ойсара ва Туйғуонийнинг бошларига қизил дурра боғлаб, фабрикада мураккаб машиналарни бошқараётгани ҳақида, уларнинг ҳаётига кириб келаётган янгиликлар, янги муносабатлар ҳақида куйлади.

Озодлик байрами 8-инчи март келади. Кўксига баҳор шабадаси теккан озод қизлар бу байрамни нақадар зўр шодлик блан кутиб олгани Ойдиннинг кўп ше’ларида зўр ҳояжон блан ифодаланган.

Ойдин севимли Ватанида гуллаётган ҳаётни баҳорга ўхшатиб, завқ-шавқ блан куйлади. Ҳамаёқда баҳор нафаси. Баҳор байрамини юрак ше’ри блан қарши олиш нақадар завқли! Бу завқни шоира ўзининг янгича яшай-бошлаган халқида, ҳур дугоналарида, дарсхоналарда, фабрикаларда, колхозлашаётган қишлоқда — омоч-бўйинтуруқни бўйнидан соқит қилиб, тракторга минаётган янги қишлоқларда қалби блан ҳис этади. Ойдин дам олиш кунлари ўртоқларини баҳор қўйнига, яшил ўтлоқларга ундайди:

Бўлинг, қуёш соч таради,
Нур қўйнида ҳар бурчак!

дэя узоқ қишлоқларга сафарга отланади, аравакаш йигитни тезроқ далага, баҳмал адирларга етказишга қистайди, ўзи янги, олтин қишлоқ тасвирини чизади.

Ҳайданг отни, учиб етснн
Биз кўзлаган қишлоқقا..
..У қишлоқнинг барча ери
Колхозларга қўшилмиш,

Муштумэўрдан озод бўлиб
Оқ олтинлар қулф урмиш.
Ана кўринг, сой бўйида
Қизлар мажлис қуради,
Чилвир сочлар маҳкам боғлиқ,
Тракторлар суради.

Шаҳардан қишлоққа кириб келган қизлар яшил адирлардан кўз олмайдилар. Ариқлардаги сув баҳор нашасини куйлади. Янги колхозлашган қишлоқ далаларида янги ҳосил учун ер тайёрланмоқда. Унда эрлар блан тенг ҳуқуқли, эркин меҳнат қилаётган колхоз қизлари шаҳарли ўртоқларини қувонч блан кутиб оладилар.

Қишлоқда гуркираган меҳнатда Ойдиннинг ҳам ҳиссаси бор.

Совет давлати ва Коммунистлар партияси: қишлоқ колхозлашсин, кулаклар тугатилсан, деди,— Совет давлати ва коммунистлар партиясининг бу сиёсатини амалга ошираётганлар қаторида комсомол ва студентлар ҳамавақт актив иштирок этдилар. Шулар қаторида Ойдин ҳам бор эди.

Совет давлати ва Коммунистлар партияси: битсин саводсизлик, деган шиор ташлади.— Бу шиорни амалга ошириш учун сафарбар этилганларнинг сафида боришни комсомол ва студентлар ўзларига шараф деб билдилар. Шулар қаторида Ойдин ҳам бор эди.

Яшнаб ётган Зарафшон водисининг гўзал кўклами шоирага жўшқин илҳом бағишилади. У, баҳорга ўхшаб гуркираган ёшликтининг ёрқин истиқболини кўради.

Биз комсомол авлоди,
Ишчи-деҳқон қизимиш.
Ленинизм йўлидир
Бизнинг ёрқин йўлимиз!..

* * *

Ойдин педакамедияни битиргандан сўнг Ўзбекистон
Давлат нашриётида ишга та'йинланди, у Тошкентга
келди.

Бу сафар Ойдинни отаси Собир аканинг ўзи, унинг
бир гуруҳ ўртоқлари блан чиқиб кутиб олди.

Совет Ўзбекистонининг пойтахти янада обод, янада
гўзал бўлиб кетипти, кенг кўчаларда янги бинолар кўзни
қамаштиради. Ойдиннинг ўртоқлари қанча-қанча янги-
ликларни сўзлаб беришди. Мана, Собир аканинг ҳам
чехраси очиқ.

Ойдин келган кунининг эртасиёқ нашриётда ишни бош-
лаб юборди... Нашриётда уни зўр қувонч кутар эди —
биринчи ше'рлар тўплами «Тонг қўшиғи» — босмадан
чиқмоқда эди.

Нашриётда иш кўп. Бўлим планини рус классик ада-
бийти ва совет ёзучиларининг энг яхши асарларидан
таржима қилиш ҳисобига кенгайтириш керак. Лев Тол-
стой, Максим Горький, В. Маяковский ва М. Шолохов
асарларини таржима қилиш мўлжалланади.

Ойдин бу мас'ул соҳада катта ғайрат блан ишлади.
Нашриёт атрофига янги кучлар тўплади. Самарқанд ака-
демиясини яқинда тамомлаб Тошкентга келган Уйғун,
Ҳамид Олимжон ва бошқалар яна унга ҳамкор бўлдилар.
Улар иштироки блан кенг адабий муҳокамалар ўтказил-

ди. Улар ёшлар блан ишлашни йўлга қўйишиади, янги кадрлар етишириш ҳақида ўйлайдилар.

Тошкентдаги қайноқ адабий ҳаётда Ойдиннинг салмоғи тобора ўсаборди. Кўп ўтмай унинг «Чечан қўллар» деган янғи асарини китобхонлар қувонч блан кутиб олдилар.

Самарқанд «Хужум» фабрикасининг донгдор қизи инженер Зумрад Ойдиннинг илк ҳикоясига қаҳрамон бўлиб киради. Ҳикояда Ойдин фабрикага оддий қора ишчи бўлиб кирган Зумраднинг инженер даражасигача кўтарилиганини бадиий образларда самимий тасвирлайди.

Китобхонлар яхши қабул қилган бу ҳикоя ўзбек адабиётига баҳтиёр қизлар ҳақидаги кўплаб ҳикоя ва очерклар тизимини олиб киради. Социалистик саноатда ва қишлоқ хўжалик илфорлари, севикли Ватанини гуллатиш йўлида жон-дили блан меҳнат қилаётган ватанпарвар ажойиб қизлар ҳақидаги бу ҳикоялар «Қизларжон», «Чакалоққа чакмонча» номли китобларда тўпланди.

Кейинчалик Ойдин ёшлар блан ҳамавақт қунт ила ишлади. Унинг олдига ўз ше'р ва ҳикоялари блан келадиган ёшлар ичida қизларнинг кўриниши Ойдинни жуда қувонтириди.

Ойдин ёзучилар союзига келгандан кейин бу ёшлар блан янада активроқ, бевосита ишлайбошлиди.



Москва. Большой театрнинг муҳташам зали ўзбек музикаси садоларини тантанали сукут ичida тинглайди. Пойтахт тамошабинлари «Гулсара» музикали драмасини

мароқ блан тамоша қиласи. «Ўзбекистон булбули» деб ном чиқарган Ҳалима Носирова саҳнани тўлдириб Гулсара ариясини ижро этади. Буюк Октябрьнинг озодлик нурлари блан уйғонган ўзбек қизи Гулсара эскилика, паранжига, тўрт деворга қарши ис'ён кўтаради, энди ҳеч-қандай куч уни бу озодлик йўлидан қайтараолмайди, унинг олдидаги порлоқ келажак ўзининг ҳаётбахш қучоғига чорлаиди. Буни кўрган Гулсара асорат пардасини улоқтиради:

Битсин, йўқолсин тор қафас,
Бўлсин кушод озод нафас!

деб қора чачвонини парча-парча қиласи. Саҳнани нур тутиб кетади. Залда қарсак гуриллайди. Ўзбек сан'атининг кўригига тўпланган пойтахт тамошабинлари қарсак чаладилар... Саҳнадаги артистлар ва оёққа туриб қарсак чалаётган тамошабинларнинг нигоҳи бир томонга тикилган эди. Ойдин ҳам шу томонга қарайди-ю қайтиб кўзини ололмай қолади. Унинг кўзларидан ёш тирқирайди. Ҳукумат ложасида доҳий Сталиннинг ўзи, Гулсаларларга ёрк берган доҳийнинг ўзи, эрк қуёши азиз Сталин озод ўзбек қизини табриклар эди, у, совет даврида ўсиб гуркираган ўзбек сан'атини табриклар эди, ўзбек совет маданиятини табриклар эди.

Ойдин қўлига қалам олгандан бери ўша улуғ инсонни кўриш орзусида эди. Спектакльнинг бутун давомида ўша ложадан кўз узмайди.

— Худди кечагидай, ҳаммаси эсимда,— дейди Ойдин. Унинг юрагида сақланган энг қиммат, энг ёрқин хотира-нинг қувончи дарров юзига чиқади...

Нақадар тез ўсмоқдалар опа-сингилларимиз! Улар Ватанин гуллатиб, унинг қудратига қудрат, шуҳратига шуҳрат қўшиб, ўз номларини ҳам шонларга буркайдилар.

Чўлларга ҳаёт дар'ёсини оқизиб, Фарғонада катта канал қурган азаматлар қаторида меҳнат му'жизаларини кўрсатган ўнмингларча хотин-қизларнинг биронтасини Октябрьдан илгариги қайси аёл блан таққослаб бўлади? Пахта далаларининг донгдорларичи? Ҳарбирининг ҳаёти ўзи бир достон. Бу ҳаёт оналаримиз ўтмишда хаёлга ҳам келтираолмаган бир му'жиза бўлиб кўринганидай, баҳтиёр совет ёшларимизга Ойдин ҳикояларида тасвирлаб берилган ўтмишнинг оғир қиссалари ҳам даҳшатли бир эртакдир, холос.

Мана шу ўтмишнинг бир мудҳиши манзараси Ойдиннинг хоразмли қиз «Гулсанам» қиссасида бадий ифодаланган.

Хоразм шоҳининг югурдаклари ифлос шоҳнинг нафси учун бир камбағалнинг ёлғиз қизи Гулсанамни саройга келтирадилар. Гулсанам шоҳона кийимларга ҳам, олтин ва дурларга ҳам, ярқираган саройга ҳам нафрат блан қарайди. Бу нафрат унга куч беради. Мамлакатнинг хони чангалидаги кўмакчисиз, танҳо қиз зулмга қарши бош кўтаради. Аммо золим хон эртасига уни жазога буюради. Хон жаллодлари гўзал Гулсанамни қозонда қайнаб турган сувга ташлайдилар...

Ўзининг эрк ва ҳуқуқига, хис ва туйғуларига ўзи эга бўлган совет қизлари бу ҳикояни ўқир экан, баданлари жимирилаб кетади: агар совет ҳукумати бўлмаса, бизнинг

тақдиримиз нима бўларди? — дейди у, юраги ўз давлатига ва коммунистлар партиясига бўлган муҳаббат ва садоқат блан тўлади.

«Рузрон кампир»нинг саргузаштини набиралар ҳайрат блан тинглайди, кампир тасвирилаган манзарани улар ўз тушунчалариға сифдираолмайдилар. «Нега қочиб кетмадингиз?» — дейди пионер. «Қочиб қаерга борардим» — деб жавоб қиласди кампир. «Советларга» — дейди, пионер. «Совет йўқ эди-да, болам», — деди кампир хўрсаниб...

«Ямоқчи кўчди», «Ҳазил» каби асарларда ҳам ўтмишдаги оғир қуллик ҳаёти; бахтсизлик, хазон бўлган умрлар тасвириланади.

Энди Ойдин асарларининг ҳам тематикаси ўзгарди. Энди унйнг қаҳрамонлари янги кишилар.

«Садағанг бўлай командир» деган машҳур ҳикояда Қандалатнинг қулган тақдири, «Эр юрак»да машинист қиз Салтанатнинг шонли меҳнати, «Севги ва севинч»да чевар теримчи Турсуной Каримова ва Үғилхонларнинг маҳорати ҳақида сўзланади. Бу фидокор қизлар ҳаётини кўрар эканмиз, уларнинг мингларча аёлларга намуна бўладиган ёрқин ҳаёт йўллари ҳақидаги самимий сатрларни ўқир эканмиз, юрагимизда шу ҳаётни берган совет давлатига, партияга меҳр-муҳаббатимиз яна ортади.

Бундай муҳаббат Ватанини қаттиқ севган, бутун куч, фаолиятини Ватан равнақи учун бағишлаган коммунист ёзучи Ойдин асарларининг асосий мазмунидир. Немисфашист босқинчилар Она тупроғимизга бостириб кириб, Ватанимиз ва халқимиз бошига оғир кунлар тушганда,

бу муҳаббат ва садоқат янада зўр куч блан жўш урди.
Бу муҳаббат душманга нисбатан ғазаб ўтида тобланди.

Ойдин Собирова Ўзбекистон радио комитетида ишлар эди. Ҳамма нарса душман устидан ғалаба қозонишга қаратилган кунларда у янада катта ғайрат блан ижод қилиди, халқни мардликка, фидокорликка, ватанпарварликка руҳлантиручи асарлар ёзи. Ҳамавақт халқ блан, замон блан бирга нафас олган Ойдиннинг бу даврдаги асарларини сиз унинг ўндан ортиқ китоблари ичидан дарров таниб оласиз. Ёзган асарларининг мазмуни қўйилган сарлавҳадан яққол кўриниб туради.— «Мардлик — мангулик». Қанча ирода ва қудрат, қанча ишонч ва жасорат бор бу сўзларда! Бу тўпламга кирган асарларда олдинга сурилган ғоя ҳам мана шу. Мардлик — зафар демакдир, зафар — мангулик, ҳаёт демакдир.

* * *

Немис-фашист босқинчилар устидан баҳодир халқимиз ғалаба қозонган Ватанимизда халқимиз тинч, осойишта меҳнат қилиб, ҳаётни кундан-кунга яшнатади, тупроғини гуллатади; бу элнинг пахтакорлари бепоён бўлиқ ерларга пахта экади, янги-янги ерлар очади, янги каналлар қазийди; тўқучилари эса фаровон ҳаёт кечираётган халқни кийинтириш учун гўзал шойи ва газламалар тўқийди, машинасозлари янги-янги машиналар ихтиро' қиласди, оналари келажакнинг эгаларини тарбиялаб алла айтади. Бутун халқ бир жон, бир тан бўлиб, ҳаётни яна ҳам яшнатиш учун, тинч, осойишта ҳаёт гўзаллигини ошириш учун меҳнат қилиш блан бахтиёр.

Лекин океан орқасидаги бир тўда одамхўрлар, қалбидан виждонини, ҳаётидан гўзалликни юлиб ташлаган ваҳшийлар ўзга халқларнинг тинчлигини бузишдан, халқ яратган гўзал ҳаётни поймол қилишдан лаззатланадилар.

Ўз ҳаётини янгидан қурган, мамлакатни гуллатиш учун тинмай меҳнат қилаётган халқ демократияси мамлакатлари учун ҳам тинчлик ва гўзаллик азиз, жаҳон меҳнаткашлари — эркпарвар халқлар учун тинчлик зўр эҳтиёждир. Шунинг учун бутун халқ тинчликнинг мустаҳкам қўргони бўлган Совет Иттифоқи халқлари блан бирга тинчлик учун курашадилар.

1950 йилнинг кузида тинчлик таянчи Москвада бўлган Тинчлик тарафдорлари Бутуниттифоқ иккинчи конференциясига ўзбек халқи ҳам ўзининг энг яхши ўғил-қизларини вакил қилиб юборди. Булар ичida Ўзбекистон Совет ёзучилари вакил қилиб сайлаган ёзучи Ойдин Собирова ҳам бор эди.

* * *

Тошкент область, Паркент район Маданият уйининг зали одам блан лиқ тўла. Электр чироқлари шу'ла сочади, барча киши минбардаги нотиқнинг жўшқин сўзларини тинглайди... Нотиқ, Ўзбекистон ССР Олий Совети депутатлигига Паркент район меҳнаткашлари томонидан номзоди кўрсатилган Манзура Собирова (Ойдин) ҳақида сўзлайди.

— Ўзбекистон Коммунистлар Партияси Марказий Комитети агитация-пропаганда бўлимининг инструктори ёзу-

чи Ойдин Собированинг таржимаи ҳоли бутун ўзбек хотин-қизларининг таржимаи ҳолидир. Бутун ўзбек хотин-қизлари каби Ойдинни ҳам асоратдан, қулликдан Октябрь революцияси озод қилди...

Нотиқ, Ойдиннинг босиб ўтган шарафли йўли ҳақида гапирди, унинг меҳнати ва бу меҳнатни тақдирлаб берилган олий мукофотлар ҳақида гапирди.— Ойдинни меҳнат чиниқтирди. Коммунистлар партияси тарбиялади. Ўртоқ Собирова ишончимизни оқлайди!

Сайловчилар бирин-кетин минбарга чиқиб сўзлайдилар...

— Бизда сув кўп, мана шу кўрган тоғларингиздаги қор суви баҳорда сойни тўлатиб айқиради. Лекин бу сув жуда бебош, ҳозирча сўзимизга кирмай турибди,— соқслари оппоқ колхозчининг бу сўзларини эшишиб Ойдин жилмайиб қўяди ва эшитаяпсизми дегандай менга қарайди. Мўйсафид сайловчи сўзида давом этади.— Бизнинг ерларимиз тоғлик жой, қизим. Бизга занжирли тракторлар керак. Ҳозир бизга тракторлар камлик қилиб турибди, шу масалада ёрдам берсангиз. Коммунизмга машинада борайлик, тўғри эмасми, халойиқ?

Халқ гулдирос қарсак чалади. Ойдин мўйсафиднинг образли, доно сўзларини блокнотга ёзиб олади.— Бу сайловчиларнинг илк накази эди.

Бу қадар катта ишонч билдирган халққа қандай сўзлар блан ташаккур айтиш керак? Ойдин Собирова миннатдорлик туйғуларини ифода этаоладиган сўз ахтаради... У сўзни шундай якунлайди:

— Доҳимиз ўртоқ Сталин депутат — халқ хизматкори деб айтган. Мана, сизлар мени ўз оиласизга, катта бир оиласа а'зо қилиб оляяпсизлар, мен сизлар блан баравар меҳнат қиласман. Бу ердаги далаларда юқори ҳосил етка-зиб донг чиқарган илғор, ажойиб кишиларнинг образларини яратиб бериш учун ҳаракат қиласман. Районнинг ободончилиги, халқнинг маданий ва фаровон бўлиши учун сизлар блан бир қаторда туриб бутун кучим, қобилиятим, билимимни бериб меҳнат қилиб, менга билдирган катта ишончингизни оқлашга ҳаракат қиласман. Бизга сайлаш ва сайланиш ҳуқуқини берган совет давлати шуни талаб қиласди, партиямиз шунга ўргатади...

Совет тузуми омоч ва бўйинтуруққа, қашшоқликка абадий барҳам берди. Бизда ўз саноатимиз, ўз машинализм бор. Биз коммунизмга совет ихтиро'чилари яратган машиналар блан борамиз. Дала ва шаҳарларимизни яшинатиб, гуллатиб борамиз. Бизнинг йўлимиз битта — партия йўли. Бу йўл халқни коммунизмга олиб борадиган энг тўғри, ёрқин йўл! Буюк манзил — коммунизм чўққиси қуёшдай порлаб, бу йўлни ёритиб турибди!

1951

